



Programma Regionali Sine Limes 2

Contributus po sustènniri personas in istadu de fragilitadi cun rimbursu de is gastus po is servìtzios de incuru e assistèntzia. Domandas a partiri de su 28 argiolas.

Data : 9 argiolas 2025

Descritzioni

Si fait sciri chi sa Regione Sardinia at publicau s'Avisu SINE LIMES 2 po s'annualidadì 2025, chi previdit su isbursamentu de un'agiudu econòmicu cun Bonus Servìtziu, tìtulus po fai arreconnòsciri e sustènniri formas de assistèntzia a personas in istadu de fragilitadi. Su contributu de su 2025 cunsistit un **unu rimbursu de is gastus chi si podint amiti, tentus de su 1/06/2025 a su 31/03/2026 fintzas a màssimu € 8.000,00**, po is servìtzios chi sighint:

- A. is servìtzios de assistèntzia a domiciliu e de agiudu a sa persona;
- B. is servìtzios de incuru, servìtzios de assistèntzia sanitària e sociosanitària;
- C. is servìtzios socialis de assistèntzia e socialis educativus e riabilitativus.

Funt destinatàriu de s'Avisu:

- a) personas cun disabilitadi a is sensus de s'art. 3 de sa Lei 104/92 e ss.mm.ii.;
- b) personas a càrrigu de is centrus po sa saludi mentali o de s'Unidadì Operativa de Neuropsichiatria de s'infàntzia e adolescèntzia (UONPIA);
- c) personas antzianas de assumancus 85 annus de edadi.

Po pòdiri fai sa domanda non si depit beneficiari de perunu servìtziu resistentziales e tenni unu ISEE ordinàriu o in cursu de prus pagu de € 45.000,00.

Is domandas de partecipazioni ant a podi essi trasmitias po mèdiu de su programma SIL in su giassu <https://www.sardegna.gov.it/>, intrendi cun SPID/CNS/CIE de su chi fait rechesta **de is 16:00 de su 28 argiolas 2025 fintzas a is 17:00 de s'8 austu 2025**.

Totu is informatziones chi pertocant s'avisu ant a essi publicadas in su giassu istituzionalis de sa RAS a custu liòngiu:

<https://www.regione.sardegna.it/.../bandi/172000098463251>

Innoi agatais su bandu e is mòdulus allongiaus:

<https://comune.donori.su.it/.../programma-regionale-sine...>



REGIONE AUTONOMA DE SARDIGNA
REGIONE AUTONOMA DELLA SARDEGNA



Unioni de is comunus de su Partiolla e de su Campidanu
de Basciu
Unione dei comuni del Parteolla e Basso Campidanu



COMUNU DE BARRABI
COMUNE DI BARRALI



COMUNU DE DONORI
COMUNE DI DONORI



COMUNU DE PATIOLLA/SICI
COMUNE DI DOLIANOVA



COMUNU DE SERDIANA
COMUNE DI SERDIANA



COMUNU DE SÈTIMU
COMUNE DI SETTIMO SAN PIETRO



COMUNU DE SOLÈMINIS
COMUNE DI SOLEMINIS

SINE LIMES

**“BUONI SPESE SOSTENUTE
PER I SERVIZI SOCIO-SANITARI”**

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018